

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Ullumi makkunani pisut eqqarsaatigalugit takusinnaalereerparput nunarput qanoq nunat iligiinniit illersorneqartigisoq, taamatut pisoqarnera Naalagaaffinngornissamut qaninnerulersitsiva?
2. Naalakkersuisut, oqarput naalagaaffinngornissamut piareersarlusilu suliaqartusi, suunuku aamma qanoq suliaralugillu piareersarpisigit?
3. Naalagaaffinngornissaq ukiuleraanni qaqugu pisinnaava?
4. Oqartarput ullutsinni pisut aallaavigalugit Kunngeqarfiup ataaniinnarnissaq pisariaqartoq sooruna? Naalagaaffinngornissaq aatsaat taama qanitsiginnginnami?
5. Kunngeqarfiup Danmark sulit qanoq sivisutigisumik ataaniinniaratta?
6. Naalagaaffinngornissamut sunaana akornutaasoq uniffiulluni? Inatsisinik allanngortoqaqqaartariaqarami?
7. Nunarput asarput annaaratarsinnaavarput naalagaaffinngornissamut naqissusilikkamik kinaassuseqannginnatta?

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Ullutsinni pisut aallaavigalugit paaserusutsaqqavara aatsaat taamak naalagaaffinngornissaq qanitsigigaluarnersoq, pissutsit taama itsillugit Kalaallit Nunarput namminerpiaq oqartussaaffigaluni aalajangiisinnaassuseqartariaqaraluartoq isumaqarama, Kunngeqarfik Danmark aqqutigeqqaarnagu kisianni nunat NATO ilagiit allatuulli suleqatigalugu. Naqissusilikkamik kinaassuseqarnerput aatsaat taama pingaruteqartigigaluarpoq ersersissallugu. Inuusugut nammeneq nunaqartugut kinaassuseqarluta nunatsinni aqutsisugut aatsaat pingaruteqaraluqaq naalagaaffittut ingerlanissaq.

Nunarput sermiinnaanngilaq kinaassuseqarusuttunik allaniit aqunneqaratik nunaminni asaminni toqqissisimallutik ilerasuuteqaratik inoorusuttorpasuppupput. Taannalu misigissut pigilersinnaanngilaat naalagaaffinnginnatta allaniit aqunneqarluta kinaassuseqannginnatta. Nunarput inoqartussaannngitsutut taaneqartalerpoq sermiinnaagamigooq. Pinnguarineqarpugut kinaassuseqarata nunap allap ataaniikkatta annermik oqartussaasuseqaratalu.



Nunarput annaaratarsinnaanera ernumanarnerpaavoq susinnaanata isiginnaartuinnarnngortussaaneq ernumanarluni.

Apeqquutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.